

世界圖書出版公司

楊一凡 劉篤才 編

中國古代地方法律文獻

甲編
第二冊

楊一凡 劉篤才 編

世界圖書出版公司

中國古代地方法律文獻

甲 編
第三冊

中國古代地方法律文獻甲編第三冊目次

巡按陝西告示條約	〔明〕王廷相撰	明嘉靖至隆慶間刊浚川公移集本	一
----------	---------	----------------	---

督學四川條約	〔明〕王廷相撰	明嘉靖至隆慶間刊浚川公移集本	二五
--------	---------	----------------	----

全陝政要	〔明〕龔繹撰	明嘉靖刊本	五一
------	--------	-------	----

〔明〕王廷相撰

明嘉靖至隆慶間刊浚川公移集本

巡按陝西告示條約

西書新刊

西書新刊

西書新刊

浚川公移集卷之三

巡按陝西告示條約一件

竊惟

朝廷之上總攬乎萬方岳牧之分專治乎一省百
職萃而難齊庶政紛而莫判恐其積弊隱奸無
由下陳上達傷害軍民乖違風教又遣直指之
使付以監察之權博采乎群情廣求乎民瘼期
振綱而頓紀載激濁以揚清惟茲陝西地方天
下上游古來都會中原阨塞邊徼屏藩政務繁
龐方輿廣遠近年以來寧夏之變人罹震驚漢

南之賊民遭殘害又况侵漁之政不惜夫財盡而民窮貪濫之官罔知夫本傷而未瘁牧羊之子幸分狼虎之餘羅省之夫不數鷹鷂之獲加以征賦頻繁力役困憊雖蒙寬恤之

詔未盡逋負之蠲七年之病日深眼前之瘡又發以致軍民流亡盜賊蜂起地方之病此其大端餘有事情乃其次者若不及時大加芟除極力整頓將見爲惡者益肆其猖狂受害者終無以控訴民情或爲之日離大政或因之日弛雖逢聖智之小難施拯救之策今者當職欽承

上命來按是方顧惟才智之疎庸荷此職任之重大
日夜焦勞中心憂惕慮夫千瘡百孔當事事以
求成是故三令五申姑諄諄而示戒風俗之美
雖云倉卒以難期奸弊之端或可提撕而有覺
尚冀爲之官吏者不憚夫改絃易轍之勞爲之
軍民者各臻夫革心向化之善所有禁約事宜
條列于後仰各遵守施行須至告示者

一凡有司軍職大小官員職任雖殊皆有軍民
父母之責其所統屬百姓士卒宜加愛恤方
稱職業近年以來貪殘之元惡雖除科罰之

餘風尚在其逢迎無耻者惟知承順上司貪
墨寡廉者則求盈滿私橐任意漁獵竭盡膏
脂軍民怨聲載路上下恬然不疑大可痛心
豈直切齒今後各宜洗心滌慮遷善敏德務
要惠恤軍民以求克盡職任若有貪濫不法
專事苞苴科歛害衆仍蹈前轍者許被害之
人徑赴本院首告定行拏問叅究重治不恕
一牧民之責莫重於守令必守令得人則民受
其福訪得按屬郡縣官員公廉勤慎者屈指
無幾貪私怠緩者舉目皆然或請謁行而枉

人之直或賄賂通而害人之正或文書不爲躬親聽吏卒之舞弊或事情不致詳審爲左右之朦朧或沉滯上司事件若塞耳無聞或澄禁無罪犯人如夢迷不省以致狡猾者遂其奸強梁者遂其暴權勢者遂其請富足者遂其有良善含冤貧弱受屈此等情節近省地方固爲有之僻遠去處尤其多者除行司府衙門隨事叅究呈來外今後守令等官務要以公廉勤慎爲心貪私怠緩爲戒有則脫去舊習以造高明無則益加勉勵以保終始

若乃故違不悛事發重者即爲退黜輕者注以不謹決不情貸

一各邊各路腹裏營堡衛所各領軍管事掌印官員旣爲地方捍禦之臣當守

朝廷畫一之法訪得有等不職之徒或指稱答應扣除軍士月糧或撒放貨物剋留關支銀兩或違例占役而耕田採獵或賣放買閑而包納月錢或托名修理支銷庫藏之儲積或假捏客兵花費倉場之糧草或搶擄入畜數多上下隱匿不報或奪買軍士首級通同開奏

失真作弊違法不可枚舉今後務要各相警
戒勉勵功業若或仍前剝害軍士貪饕財貨
放縱不檢欺公玩法不知警省者事經定行
照例叅究重治不恕

一訪得各邊腹裏一應大小衙門監收錢糧官
員多有通同倉攢庫役人等將各處解到錢
糧不肯兩平收受或多要秤頭或高收斛面
刁難指勒遷延守候以致解戶部運人等虧
折錢糧經年累歲陪補不結又有不行正收
正支通同攬頭買頭對糧對票倉庫全無上

有數百虛出通關硃砂往往倉庫致成空虛
官軍儲需無憑給放今後但有此弊病許各
被害解戶及不得食糧軍士人等指實赴院
陳告拏問叅究重治不恕

一訪得大小衙門各首領佐貳官其間廉能守
法者固有而貪縱不檢者最多往往有一事
之幹則思一事之利一差之委則有一差之
圖府官行縣則受縣官之錢縣官下鄉則受
小民之物催糧者里甲受其害巡捕者地方
被其擾管造冊則科戶人之錢委部糧則受

大戶之餽甚至濫受民詞私罰紙價差違勘
事賄賂公行皆由上司及掌印正官平素不
能戒飭禁治以至於此今後各官善者益加
勉進次者務要改過自新若是明知故違恬
不畏懼或被入告發或體訪得出輕則填註
不謹重則拏問罷黜除本等職任及特差勘
事外仍不許府委下縣縣委下鄉違者罪歸
正官不恕

一訪得各處州縣或奉上司牌票或受他人禮
物指以載送木石裝運糧石公用爲名即爲

科派車輛牛羸小民逼於官府不知出於私情只得一一輸辦其差去人役又皆惡如鷹犬猛如虎狼少有拂違便加凌辱及至拘到車牛却只取要腳價每車或二三兩有之或四五兩有之迫於威勢累年喜徇其官吏貪濫者又皆指一科十差貧放富借其名目利其贏餘如墊屋一縣一年不下三四百輛美其科派車價銀數可當一歲徭徭之差似此夙弊實乃上司處之無道州縣不得其人所致也今後按屬官員但有承奉牌票及私自

討要坐派者或體訪得出或被入告發定問以利斂罪名察罰罷黜決不輕恕

一訪得各府州縣有等無藉省察官及年老學霸生員豪富義官及罷閒吏與退學生員等項專一出入衙門挾制官府欺凌師長害衆成家州縣官員有操持力量者杜絕之禁革之不肯容其請託不得遂其奸貪則垂首喪氣屏跡吞聲伺其間隙橫生誹謗終於無可柰何而已若平素操持欠謹力量頗弱者本免通其人情待以禮貌容其說事請託藉其

舞文玩法肝膽相照猶鼠同眠一或不遂其
意必致踈絕其情却乃搜尋事情採摘弊病
扛幫教唆扶同告害州縣官方知墮於陷罪
之中追悔已晚此等奸貪之徒甚爲害事今
後州縣官務要著覺禁絕不許出入公門囑
託事情若有教唆扛幫挾告官吏者俱指實
一一申來照例發遣以懲奸玩

一各衙門積年主文書手老人阜隸弓兵門子
馬夫由其凡百事情無所不知經歷乖滑無
處不透是以通同作弊易如吹毛主文則改